

**REGIONAL NEWS UNIT
ALL INDIA RADIO, AGARTALA**

Date : 04-11-2025

**Time: 07.35-07.40 AM Hrs
BENGALI MORNING BULLETIN**

PM :

প্রধানমন্ত্রী নরেন্দ্র মোদী বলেছেন দেশ এখন কেবল প্রযুক্তির ভোক্তা নয়, বরং এটি এখন প্রযুক্তিগত রূপান্তরের পথিকৃৎ হয়ে উঠেছে। নতুনদিল্লির ভারত মণ্ডপে উদীয়মান বিজ্ঞান ও প্রযুক্তি উদ্ভাবন কনক্লেভ ২০২৫ এর উদ্বোধন করে শ্রী মোদী বলেন, দেশে উদ্ভাবনের একটি আধুনিক বাস্তুতন্ত্র গড়ে তোলার জন্য সরকার গবেষণার সহজতার উপর জোর দিচ্ছে। দেশে বিশ্বের সবচেয়ে সফল ডিজিটাল পাবলিক পরিকাঠামো তৈরি করা হয়েছে। তিনি আরও বলেন যে দেশে ছয় হাজারেরও বেশি ডিপ-টেক স্টার্টআপ পরিষ্কার শক্তি এবং উন্নত উপকরণের মতো ক্ষেত্রে কাজ করছে।

PM Byte#####

সাম্প্রতিক বছরগুলিতে, ভারত সবুজ হাইড্রোজেন, কোয়ান্টাম কম্পিউটিং, গভীর সমুদ্র গবেষণা এবং গুরুত্বপূর্ণ খনিজ পদার্থ সহ বেশ কয়েকটি উজ্জ্বল ক্ষেত্রে উল্লেখযোগ্য অগ্রগতি অর্জন করেছে তা উল্লেখ করে, শ্রী মোদী বলেন যে দেশটি এই সমস্ত ক্ষেত্রে একটি আশাব্যঞ্জক উপস্থিতি প্রতিষ্ঠা করেছে।

Brahmakunda Mela

আগামীকাল থেকে রাস পূর্ণিমা তিথি উপলক্ষে ৩ দিনব্যাপী ব্রহ্মকুন্ড মেলা সিমনায় অনুষ্ঠিত হবে। তথ্য ও সংস্কৃতি দপ্তর, মোহনপুর মহকুমা প্রশাসন ও ব্রহ্মকুন্ড মেলা কমিটির যৌথ উদ্যোগে আয়োজিত এই মেলার উদ্বোধন করবেন কৃষিমন্ত্রী রতন লাল নাথ। উপস্থিত থাকবেন পশ্চিম ত্রিপুরা জিলা পরিষদের ভারপ্রাপ্ত সভাপতি বিশ্বজিৎ শীল, পশ্চিম ত্রিপুরা জেলার জেলাশাসক ডা: বিশাল কুমার প্রমুখ।

Dr. Mansukh Mandaviya :

শ্রম ও কর্মসংস্থান মন্ত্রী ডঃ মনসুখ মান্ডভিয়া আজ থেকে ৬ই নভেম্বর পর্যন্ত কাতারের দোহায় দ্বিতীয় বিশ্ব সামাজিক উন্নয়ন শীর্ষ সম্মেলনে ভারতীয় প্রতিনিধি দলের নেতৃত্ব দেবেন। তিনি সামাজিক উন্নয়নের তিনটি স্তম্ভকে শক্তিশালী করার বিষয়ে উচ্চ-স্তরের গোলটেবিল বৈঠকে বক্তব্য রাখবেন। মন্ত্রী কাতার, রোমানিয়া, মরিশাস এবং ইউরোপীয় ইউনিয়নের মন্ত্রীদের পাশাপাশি আইএলওর মহাপরিচালক এবং জাতিসংঘের উর্ধ্বতন কর্মকর্তাদের সাথে একাধিক দ্বিপাক্ষিক বৈঠক করবেন।

Uttar Jal Sanchay Yatra :

উত্তর জল সঞ্চয় যাত্রা-২০২৫ গতকাল থেকে উত্তর ত্রিপুরা জেলায় শুরু হয়েছে। ধর্মনগরের বিবেকানন্দ সার্থ শতবার্ষিকী ভবনে আয়োজিত ১২ দিনব্যাপী এই জল সঞ্চয় যাত্রার সূচনা উত্তর ত্রিপুরা জিলা পরিষদের সহকারি সভাপতি ভবতোষ দাস। অনুষ্ঠানে জেলাশাসক চাঁদনী চন্দ্রন বলেন, এই জল সঞ্চয় যাত্রার প্রথম দুইদিনে উত্তর ত্রিপুরা জেলার ৫০ হাজার সোক পিট তৈরি করা হবে।

DYFI Foundation Day-South :

দক্ষিণ জেলার বিলোনিয়া, সাক্রম ও শান্তিরবাজার মহকুমার বিভিন্ন স্থানেও গতকাল ডি.ওয়াই.এফ.আই-এর প্রতিষ্ঠা দিবস পালন করা হয়। বিলোনিয়ায় প্রতিষ্ঠা দিবসের সভায় বক্তব্য রাখেন সি.পি.আই.এমের দক্ষিণ জেলা সম্পাদক তাপস দত্ত, ডি.ওয়াই.এফ.আই নেতা মধুসূদন দত্ত প্রমুখ।

Health Benefit :

গোমতী জেলায় স্বাস্থ্য দপ্তরের উদ্যোগে চেলাগাঙের লেলিন কলোনিতে অসংক্রামক রোগের উপর বিশেষ শিবিরের আয়োজন করা হয়। শিবিরে ৫৪ জন রোগীকে স্ক্রিনিং করা হয়েছে। দীর্ঘস্থায়ী রোগের প্রাথমিক সনাক্তকরণ ও চিকিৎসার জন্য এই শিবির অত্যন্ত গুরুত্বপূর্ণ বলে জানিয়েছেন দপ্তরের আধিকারিকরা।

NSS Spl Camp :

দক্ষিণ জেলার রাজনগর ব্লকের পুরান রাজবাড়ী দ্বাদশ শ্রেণী বিদ্যালয়ে জাতীয় সেবা প্রকল্পের ৭ দিন ব্যাপী বিশেষ শিবিরের সূচনা করেন বিধায়িকা স্বপ্না মজুমদার। শিবিরে নানা বিষয়ে আলোচনাচক্র ও বিভিন্ন সেবামূলক কাজকর্মে স্বেচ্ছাসেবীরা অংশগ্রহণ করবে।

CK Nayudu Trophy :

কর্ণেল সিকে নাইডু ট্রফি অনূর্ধ্ব ২৩ বছরের ক্রিকেটের চারদিনের খেলায় সৌরাষ্ট্রের বিরুদ্ধে ফলোঅনে নেমে চাপের মুখে রয়েছে ত্রিপুরা। নরসিংগড়ের পিটিএ মাঠে গতকাল দ্বিতীয় দিনে সৌরাষ্ট্র ৪ উইকেটে ৩১৯ রান থেকে খেলতে নেমে সবকটি উইকেট হারিয়ে প্রথম ইনিংসে ৪৫৪ রান করে। জবাবে রাজ্যদল প্রথম ইনিংসে ১৩৯ রান করতে সক্ষম হয়। পরে ফলো অনে খেলতে নেমে রাজ্যদল দ্বিতীয় ইনিংসে কোন উইকেট না হারিয়ে দিনের শেষে ১১ রান করে।

Birendra Club :

রাজধানীর ঐতিহ্যবাহী বীরেন্দ্র ক্লাবের ১৩০ বছর পূর্তী উপলক্ষ্যে উমাকান্ত মিনি স্টেডিয়ামে গতরাতে নৈশালোকে এক প্রীতি ফুটবল ম্যাচ অনুষ্ঠিত

হয়। প্রাক্তন ফুটবলার এবং ত্রিপুরা স্পোর্টস জার্নালিস্টস ক্লাবের ক্রীড়া সাংবাদিকদের মধ্যে এই খেলাটি গোলশূন্য ড্র হয়।

Weather :

আজ আকাশ আংশিক মেঘাচ্ছন্ন থাকবে। সকালে হালকা কুয়াশা পড়েছে। আজ দিনের সর্বোচ্চ তাপমাত্রা ৩১ ডিগ্রি সেলসিয়াস এবং সর্বনিম্ন ২৪ ডিগ্রি সেলসিয়াস এর কাছাকাছি থাকতে পারে। আজ ভোরে সর্বনিম্ন তাপমাত্রা ছিল ২৩ দশমিক ২ ডিগ্রি সেলসিয়াস।
